

經史百家雜鈔

經史子集

經史百家雜鈔卷十目錄

詔令之屬

書甘誓

湯誓

牧誓

呂刑

文侯之命

費誓

秦誓

左傳王子朝告諸侯之辭

秦始皇初并天下議帝號令

漢高帝求賢詔

漢文帝賜南越王書

除誹謗法詔

除肉刑詔

增祀無祈詔

求言詔

遺匈奴書

遺匈奴書

策問賢良文學

漢景帝令二千石修職詔

漢武帝議不舉孝廉者罪詔

報李廣詔

封齊王策

封燕王策

封廣陵王策

策問賢良文學

漢昭帝賜燕刺王旦璽書

漢宣帝令二千石察官屬詔

漢元帝議封甘延壽等詔

司馬相如諭巴蜀檄

難蜀父老

王尊敕掾功曹敎

漢光武帝賜竇融璽書

報臧宮馬武詔

班彪擬答北匈奴詔

漢明帝卽位詔

祀光武皇帝於明堂詔

辟雍行養老禮詔

申明科禁詔

塞汴渠詔

漢章帝舉賢良方正直言極諫詔

禘祭詔

詔三公

漢和帝恤民詔

馬援誡兄子書

鄭玄戒子書

蜀漢後主策丞相諸葛亮詔

諸葛亮與羣下教

陳琳爲袁紹檄豫州

檄吳將校部曲文

魏明帝賜彭城王據璽書

曹植下國中令

鍾會檄蜀文

孫楚爲石苞與孫皓書

傅亮爲宋公修張良廟教

宋文帝誠江夏王義恭書

陸贄擬奉天改元大赦制

議減鹽價詔

韓愈進士策問十三首

祭鱧魚文

歐陽修擬制九篇

曾鞏擬制四篇

經史百家雜鈔卷十目錄

經史百家雜鈔卷十

湘鄉曾國藩纂

合肥李鴻章校

詔令之屬

書甘誓

大戰于甘。乃召六卿。王曰。嗟。六事之人。予誓告汝。有扈氏威侮五行。怠棄三正。天用勦絕其命。今予惟恭行天之罰。左不攻于左。汝不恭命。右不攻于右。汝不恭命。御非其馬之正。汝不恭命。用命賞于祖。不用命戮于社。予則孥戮汝。

書湯誓

王曰。格爾眾庶。悉聽朕言。非台小子。敢行稱亂。有夏多罪。天命

殛之。今爾有眾。汝曰：「我后不恤我眾，舍我穡事而割正夏。」予惟聞汝眾言。夏氏有罪，予畏上帝，不敢不正。今汝其曰：「夏罪其如台？」夏王率遏眾力，率割夏邑，有眾，率怠弗協。曰：「時日曷喪？」予及汝皆亡。夏德若茲，今朕必往。爾尚輔予一人，致天之罰。予其大賚汝。爾無不信。朕不食言。爾不從誓言，予則孥戮汝，罔有攸赦。」

書牧誓

時甲子昧爽，王朝至于商郊牧野，乃誓。王左杖黃鉞，右秉白旄以麾，曰：「逖矣西土之人！」王曰：「嗟！我友邦冢君御事，司徒、司馬、司空、亞旅、師氏，千夫長、百夫長及庸、蜀、羌、髳、微、盧、彭、濮人，稱爾戈，比爾干，立爾矛。予其誓。」王曰：「古人有言曰：『牝雞無晨。』牝雞之晨，

惟家之索。今商王受。惟婦言是用。昏棄厥肆祀。弗答。昏棄厥遺
王父母弟。不迪。乃惟四方之多罪逋逃。是崇是長。是信是使。是
以爲大夫卿士。俾暴虐于百姓。以姦宄于商邑。今予發。惟恭行
天之罰。今日之事。不愆于六步七步。乃止齊焉。夫子勛哉。不愆
于四伐五伐六伐七伐。乃止齊焉。勛哉夫子。尚桓桓如虎如貔
如熊如羆。于商郊。弗返克奔。以役西土。勛哉夫子。爾所弗勛。其
于爾躬有戮。

書呂刑

惟呂命。王享國百年。耄荒。度作刑。以詰四方。王曰。若古有訓。蚩
尤惟始作亂。延及于平民。罔不寇賊。鴟義。姦宄奪攘。矯虔苗民。

弗用靈制以刑。惟作五虐之刑曰法。殺戮無辜。爰始淫爲劓。剔
桷黥。越茲麗刑。竝制罔差。有辭民興。胥漸泯泯。焚罔中于信。
以覆詛盟。虐威庶戮。方告無辜于上帝。上帝監民。罔有馨香德。刑
發聞。惟腥。以上苗民作五刑。皇帝哀矜庶戮之不幸。報虐以威。遏絕苗
民。無世在下。乃命重黎。絕地天通。罔有降格。羣后之逮在下。明
明。棐常。齔寡。無蓋。皇帝清問下民。齔寡有辭于苗。德威惟畏。德
明惟明。乃命三后。恤功于民。伯夷降典。折民惟刑。禹平水土。主
名山川。稷降播種。農殖嘉穀。三后成功。惟殷于民。士制百姓于
刑之中。以教祗德。穆穆在上。明明在下。灼于四方。罔不惟德之
勤。故乃明于刑之中。率乂于民。棐彝典。獄非訖于威。惟訖于富。

敬忌罔有擇言在身。惟克天德，自作元命，配享在下。以上堯舜滅有苗制

法刑王曰：嗟！四方司政典獄，非爾惟作天牧。今爾何監？非時伯夷

播刑之迪。其今爾何懲？惟時苗民匪察于獄之麗，罔擇吉人觀

于五刑之中。惟時庶威奪貨，斷制五刑，以亂無辜。上帝不蠲降

咎于苗。苗民無辭于罰，乃絕厥世。以上告典獄者以伯夷為法以苗民為戒王曰：嗚

呼！念之哉！伯父、伯兄、仲叔、季弟、幼子、童孫，皆聽朕言。庶有格命。

今爾罔不由慰曰：勤。爾罔或戒不勤。天齊于民，俾我一日非終。

惟終在人。爾尚敬逆天命，以奉我一人。雖畏，勿畏。雖休，勿休。惟

敬五刑，以成三德。一人有慶，兆民賴之。其甯惟永。以上言慎刑乃克有終

王曰：吁！來！有邦有土，告爾祥刑。在今爾安百姓，何擇非人？何敬

聖史百家雜考卷之六十一 詔令

非刑何度非及兩造具備師聽五辭五辭簡孚正于五刑五刑

不簡正于五罰五罰不服正于五過五過之疵惟官惟反惟內

惟貨惟來其罪惟均其審克之五刑之疑有赦五罰之疑有赦

其審克之簡孚有眾惟貌有稽無簡不聽具嚴天威刑以上言五

等差墨辟疑赦其罰百鍰閔實其罪劓辟疑赦其罰惟倍閔實

其罪劓辟疑赦其罰倍差閔實其罪宮辟疑赦其罰六百鍰閔

實其罪大辟疑赦其罰千鍰閔實其罪墨罰之屬千劓罰之屬

千荆罰之屬五百宮罰之屬三百大辟之罰其屬二百五刑之

屬三千上下比罪無僭亂辭勿用不行惟察惟法其審克之上

刑適輕下服下刑適重上服輕重諸罰有權刑罰世輕世重惟

齊非齊有倫有要罰懲非死人極于病非佞折獄惟良折獄罔
非在中察辭于差非從惟從哀敬折獄明啟刑書胥占咸庶中
正其刑其罰其審克之獄成而孚輸而孚其刑上備有并兩刑
以上專言王曰嗚呼敬之哉官伯族姓朕言多懼朕敬于刑有
罰之條理德惟刑今天相民作配在下明清于單辭民之亂罔不中聽獄
之兩辭無或私家于獄之兩辭獄貨非寶惟府辜功報以庶尤
永畏惟罰非天不中惟人在命天罰不極庶民罔有令政在于
天下王曰嗚呼嗣孫今往何監非德于民之中尚明聽之哉哲
人惟刑無疆之辭屬于五極咸中有慶受王嘉師監于茲祥刑
書文侯之命